

---

**"Mehr daftari"**ga kiritilgan bolalarni orzu-istiklari ro'yobga chiqarilmoxda **Ma'lumki, yetim bolalar va ota-onas qaramog'idan mahrum bo'lgan bolalarni har tomonlama qo'llab-quvvatlash maqsadida** "Mehr daftari" tizimi joriy etilgan. Bu borada ham Farg'ona shahrida tizimli ishlar amalga oshirilmoxda.

Jumladan, joriy yil davomida 7 nafar yigit va qizlarga uy-joylar ajratildi. Mustaqilligimizning 32 yilligi bayrami arafasida mazkur daftarga kiritilgan 16 nafar yetim va ota-onas qaramog'idan mahrum bo'lgan bolalarni muammo hamda orzu-istiklari ro'yobga chiqarildi. Xususan, 2 nafar bolaga kasbga yo'naltirish maqsadida tikuv mashinalari, bandligini ta'minlash maqsadida ikki nafarlariga mehnat qurollari, ikki nafarlariga velosiped va olti nafarlariga noutbuklar ajratildi. Shuningdek, 4 nafarlarining IT kurslarida o'qish mablag'lari to'lab berildi.

Tadbirda Farg'ona shahar hokimi Vosiljon Nazarov, Milliy gvardiya boshqarmasi vakillari hamda keng jamoatchilik vakillari ishtirok etishdi. Shahar hokimi yig'ilganlarni Mustaqilligimizning 32 yilligi bayrami bilan muborakbod etib, yosh avlodga davlatimiz tomonidan ko'rsatilayotgan e'tibor va g'amxo'rliklar haqida alohida to'xtalib o'tdi. Eng ulug', eng aziz ayyom arafasida orzulari ushalgan yoshlar ko'rsatilayotgan e'tibordan mamnun ekanliklarini bildirishdi. Mas'ullar tomonidan kelgusida ham shahrimizdagi "Mehr daftari"ga kiritilgan yoshlarning orzu-istiklарini amalga oshirish bo'yicha keng ko'lamlı ishlarning olib borilishi ma'lum qilindi.

2023-09-07 08:32:46